



Հավելված N 477  
«ԿԵՆՏՐԱԿԱՆ ԿԱՐԿԱՐԱՐՈՒԹՅԱՆ ԿՈՄԻՏԵ»-Ի  
ԳԼԽԱՎՈՐ ԶԱՐԿՈՒԹՅԱՆ  
2019 թ. հուլիսի 26-ի N 636-Ա հրամանի

**ՔԱՂԱՔԱՑԻԱԿԱՆ ԾԱՌԱՅՈՒԹՅԱՆ ՊԱՇՏՈՆԻ ԱՆՁՆԱԳԻՐ  
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ ՁԵՌՆԵՐԵՑՈՒԹՅԱՆ  
ՎԱՐՉՈՒԹՅԱՆ ՊԵՏ**

**1. Ընդհանուր դրույթներ**

**1.1. Պաշտոնի անվանումը, ծածկագիրը**

Էկոնոմիկայի նախարարության (այսուհետ՝ Նախարարություն) Ձեռներեցության վարչության (այսուհետ՝ Վարչություն) պետ (ծածկագիրը՝ 23-32.19-Ղ3-1 )

**1.2. Ենթակա և հաշվետու է**

Վարչության պետը անմիջական ենթակա և հաշվետու է նախարարին:

**1.3. Ենթակա և հաշվետու պաշտոններ**

Վարչության պետին անմիջական ենթակա և հաշվետու են Վարչության բաժինների պետերը:

**1.4. Փոխարինող պաշտոնի կամ պաշտոնների անվանումները**

Վարչության պետի բացակայության դեպքում նրան փոխարինում է Վարչության բաժինների պետերից մեկը:

**1.5. Աշխատավայրը**

Հայաստան, ք. Երևան, Կենտրոն վարչական շրջան, Մհեր Մկրտչյան 5

**2. Պաշտոնի բնութագիրը**

**2.1. Աշխատանքի բնույթը, իրավունքները և պարտականությունները**

1) կազմակերպում է Հայաստանի Հանրապետությունում ձեռներեցության՝ այդ թվում նաև փոքր և միջին ձեռնարկությունների (այսուհետ՝ ՓՄՁ) զարգացման պետական քաղաքականության մշակման և տնտեսության գերակայություններին համապատասխանեցման աշխատանքները,

2) կազմակերպում է ՓՄՁ-երի աճի ներառականությունն ապահովելուն ուղղված աջակցության գործիքակազմի մշակման և ձեռներեցության աջակցության՝ պետական աջակցության ծրագրերի մշակման, իրականացման և մշտադիտարկման աշխատանքները,

3) մասնակցում է միջազգային համագործակցության շրջանակներում գործող ոլորտային հարթակների աշխատանքներին, քաղաքականության երկխոսություններին, ծրագրերի մշակմանը, ինչպես նաև դրանց արդյունքների գնահատման և հաշվետվողականության գործընթացներին,



4) կազմակերպում է կանանց և երիտասարդների գործարար ներուժի զարգացմանն ու խթանմանը միտված թիրախային աջակցության ծրագրերի մշակման և ներդրման աշխատանքները,

5) կազմակերպում է սկսնակ ձեռներեցների աջակցության գործիքակազմի ընդլայնման ուղղությամբ շարունակական աշխատանքների իրականացումը.

6) կազմակերպում է ճգնաժամանային և հետճգնաժամային իրավիճակներում ձեռներեցության դիմակայունության բարձրացմանն ուղղված աջակցության գործուն մեխանիզմների մշակման և իրականացման (մշտադիտարկման) աշխատանքները,

7) կազմակերպում է տեղական ընկերությունների ճանաչելիության բարձրացման և արտաքին շուկաներում շահավետ դիրքավորման հետ կապված աշխատանքները.

8) կազմակերպում է տեղական ընկերությունների բիզնես կառավարման, բրենդինգի, հանրային կապերի և միջազգայնացման, ֆինանսական պլանավորման, կորպորատիվ կառավարման սկզբունքների նորմուծման, առավել բարձր հավելյալ արժեքի ստեղծման և այլ գործընթացներում ձեռներեցության սուբյեկտների կարողությունների զարգացմանն ուղղված առաջարկների ձևավորման և ներկայացման աշխատանքների իրականացումը,

9) մասնակցում է մասնավոր, պետական, մարզային, ինչպես նաև պետություն-մասնավոր գործընկերության ծրագրերի մշակման և իրականացման աշխատանքներին,

10) մասնակցում է ոլորտային ռազմավարական փաստաթղթերի վերանայման, ինչպես նաև՝ դրանցով նախանշված նպատակների և գերակայությունների մասով բյուջետային և **միջնաժամկետ ծախսային ծրագրերի (այսուհետ՝ ՄԺԾ)** վերաբերյալ առաջարկությունների ներկայացմանը,

11) կազմակերպում է Նախարարության ներքո իրականացվող երկխոսության հարթակների քարտուղարության գործառույթների իրականացումը՝ ուղղված հանրային քննարկումների և երկխոսությունների նախագծման, կազմակերպման, համակարգման, մշտադիտարկման, վերլուծության ու հաշվետվողականության ապահովմանը,

12) կազմակերպում է գործող հարթակների կողմից իրականացված աշխատանքների, ձեռքբերումների և բացերի, ինչպես նաև դրանց բարելավման և արդյունավետության բարձրացման ուղղությամբ առաջարկությունների ներկայացման աշխատանքները.

13) կազմակերպում է մասնակցությունը նախարարարության ներքո թմատիկ, ոլորտային և ժամանակոր երկխոսության հարթակների ձևավորման և դրանց գործունեության արդյունավետության բարձրացման և համակարգման աշխատանքներին.

14) կազմակերպում է պետություն-մասնավոր երկխոսության հարթակի շրջանակում փորձի և տեղեկատվության փոխանակման նպատակով իրազեկումներ, հանդիպումներ և սեմինարներ, ինչպես նաև տարեկան բարձր մակարդակի հանդիպումներ և համաժողովներ, այդ թվում նաև միջազգային գործընկերների ներգրավմամբ:



### **Իրավունքները՝**

- պետական կառավարման համակարգի մարմիններից և այլ կառույցներից պահանջել ոլորտային առաջարկություններ, հիմնավորումներ, փաստաթղթեր և այլ նյութեր.
- պետական կառավարման համակարգի մարմիններից և այլ կառույցներից պահանջել իրավական ակտերի նախագծերի վերաբերյալ մասնագիտական կարծիքներ, առաջարկություններ և եզրակացություններ.
- հրավիրել աշխատանքային քննարկումներ ոլորտային զարգացման ծրագրեր իրականացնող օտարերկրյա պետությունների և միջազգային կազմակերպությունների ներկայացուցչությունների հետ համագործակցության առանձին ուղղությունների վերաբերյալ.
- պահանջել պետություն-մասնավոր երկխոսությունում գործարար միությունների և ոլորտային ասոցիացիաների ակտիվ ներգրավման և արդյունավետ համագործակցության զարգացման վերաբերյալ առաջարկություններ և տեղեկատվություն,
- հրավիրել խորհրդակցություններ և քննարկումներ Նախարարության համապատասխան կառուցվածքային ստորաբաժանումների մասնակցությամբ, պահանջել տրամադրել տեղեկություններ, առաջարկություններ, կարծիքներ.
- մասնակցել նախարարության համակարգման ոլորտներին առնչվող օտարերկրյա պետությունների և միջազգային կազմակերպությունների հետ վարչության իրավասություններին առնչվող հանդիպումներին և քննարկումներին:

### **Պարտականությունները՝**

- հանձնարարել և հետևել Հայաստանի Հանրապետությունում ձեռներեցության այդ թվում նաև ՓՄՁ-երի զարգացման պետական քաղաքականության մշակման և տնտեսության գերակայություններին համապատասխանեցման աշխատանքներին, պարբերաբար ստուգել դրանց ընթացքը, ամփոփել և գնահատել արդյունքները.
- հանձնարարել և վերահսկել ՓՄՁ-երի աճի ներառականությանն ուղղված՝ յուրաքանչյուր անձի կարողությունների զարգացման և աճի արդյունքում ստեղծված տնտեսական հնարավորությունների հավասար հասանելիության աջակցության գործիքակազմի մշակման աշխատանքները, ստուգել և ամփոփել արդյունքները.
- նախաձեռնել, հանձնարարել և վերահսկել պետական աջակցության ծրագրերի մշակման, իրականացման և մշտադիտարկման աշխատանքները, պարբերաբար ուսումնասիրել արդյունքները, անհրաժեշտության դեպքում առաջարկել լուծումներ, տալ ցուցումներ.
- հանդես գալ որպես կոնտակտային պատասխանատու միավոր՝ միջազգային համագործակցության շրջանակներում գործող ոլորտային հարթակների աշխատանքներում,



քաղաքականության երկխոսություններում, ծրագրերի մշակման, ինչպես նաև դրանց արդյունքների գնահատման և հաշվետվողականության գործընթացներում,

- նախաձեռնել, պարբերաբար ուսումնասիրել և ամփոփել կանանց և երիտասարդների գործարար ներուժի զարգացմանն ու խթանմանը միտված թիրախային աջակցության ծագրերի մշակման և ներդրման աշխատանքները,

- հանձնարարել, հետևել և գնահատել սկսնակ ձեռներեցների աջակցության գործիքակազմի ընդլայման, ինչպես նաև ճգնաժամային և հետճգնաժամային իրավիճակներում ձեռներեցության դիմակայունության բարձրացմանն ուղղված աջակցության գործուն մեխանիզմների մշակման աշխատանքները,

- վերահսկել, ստուգել և գնահատել տեղական ընկերությունների ճանաչելիության բարձրացման և արտաքին շուկաներում շահավետ դիրքավորմանն, արտահանման կարողությունների զարգացմանն ուղղված աշխատանքները,

- հանձնարարել, հետևել և գնահատել տեղական ընկերությունների բիզնես կառավարման, բրենդինգի, հանրային կապերի և միջազգայնացման, ֆինանսական պլանավորման, կորպորատիվ կառավարման սկզբունքների ներմուծման, առավել բարձր հավելյալ արժեքի ստեղծման և այլ գործընթացներում ձեռներեցության սուբյեկտների կարողությունների զարգացմանը ուղղված աշխատանքները,

- ուսումնասիրել մասնավոր, պետական, մարզային, ինչպես նաև պետություն-մասնավոր գործընկերության ծրագրերի մշակման և իրականացման աշխատանքների ընթացքը և ներկայացնել համապատասխան տեղեկատվություն, դիտարկումներ, կարծիքներ և առաջարկություններ,

- ուսումնասիրել ոլորտային ռազմավարական փաստաթղթերը և ներկայացնել կարծիքներ և առաջարկություններ դրանց վերանայման, ինչպես նաև՝ դրանցով նախանշված նպատակների և գերակայությունների մասով բյուջետային և ՄԺԾ ծրագրերի վերաբերյալ.

- հետևել և վերահսկել Նախարարության ներքո իրականացվող երկխոսության հարթակների քարտուղարության աշխատանքները՝ ուղղված հանրային քննարկումների և երկխոսությունների նախագծմանը, մշտադիտարկմանը, վերլուծությանն ու հաշվետվողականությանը,

- հետևել և գնահատել գործող երկխոսության հարթակներում կատարված աշխատանքները, ձեռքբերումները և բացերը, ներկայացնել առաջարկություններ դրանց բարելավման և արդյունավետության բարձրացման ուղղությամբ.

- պարբերաբար ուսումնասիրել Նախարարության ներքո իրականացվող թեմատիկ, ոլորտային և ժամանակավոր երկխոսության հաիթակների քարտուղարության այն աշխատանքները, որոնք ամբողջությամբ ուղղված են հանրային քննարկումների և երկխոսությունների նախագծմանը, մշտադիտարկմանը, վերլուծությանն ու



հաշվետվողականությանը և անհրաժեշտության դեպքում ներկայացնել կարծիքներ և առաջարկություններ դրանց գործունեության արդյունավետության բարձրացմանն ուղղված.

- հետևել և վերահսկել պետություն-մասնավոր երկխոսության շրջանակներում փորձի և տեղեկատվության փոխանակման նպատակով իրազեկման, հանդիպումների և սեմինարների, ինչպես նաև տարեկան բարձր մակարդակի հանդիպումների և համաժողովների աշխատանքները,

- հետևել ձեռնարկատիրության ոլորտի պարբերական հետազոտման և մոնիտորինգի, ինչպես նաև այլ գերատեսչություններից ոլորտի վերաբերյալ վիճակագրական տվյալների ստացման աշխատանքներին, պետություն-մասնավոր հատված երկխոսությանը:

### **3. Պաշտոնին ներկայացվող պահանջները**

#### **3.1. Կրթություն, որակավորման աստիճանը**

Բարձրագույն կրթություն

#### **3.2. Մասնագիտական գիտելիքները**

Ունի գործառույթների իրականացման համար անհրաժեշտ գիտելիքներ

#### **3.3. Աշխատանքային ստաժը, աշխատանքի բնագավառում փորձը**

Հանրային ծառայության առնվազն երեք տարվա ստաժ կամ չորս տարվա մասնագիտական աշխատանքային ստաժ կամ տնտեսագիտության բնագավառում՝ չորս տարվա աշխատանքային ստաժ.

#### **3.4. Անհրաժեշտ կոմպետենցիաներ**

##### **Ընդհանրական կոմպետենցիաներ՝**

1. Աշխատակազմի կառավարում
2. Քաղաքականության վերլուծություն, մոնիթորինգ
3. Որոշումների կայացում
4. Ծրագրերի կառավարում
5. Խնդրի լուծում
6. Բարեվարքություն

##### **Ընտրանքային կոմպետենցիաներ՝**

1. Բանակցությունների վարում
2. Փոփոխությունների կառավարում
3. Ժամանակի կառավարում
4. Ելույթների նախապատրաստում և կազմակերպում
5. Ժողովների և խորհրդակցությունների կազմակերպում և վարում
6. Փաստաթղթերի նախապատրաստում

### **4. Կազմակերպական շրջանակը**



#### **4.1. Աշխատանքի կազմակերպման և ղեկավարման պատասխանատվությունը**

Պատասխանատու է համապատասխան մարմնի մեկ ոլորտի համար իրավասու կառուցվածքային ստորաբաժանման աշխատանքների կազմակերպման և ղեկավարման համար:

#### **4.2. Որոշումներ կայացնելու լիազորությունները**

Կայացնում է որոշումներ համապատասխան մարմնի մեկ ոլորտի համար իրավասու կառուցվածքային ստորաբաժանման աշխատանքների կազմակերպման և ղեկավարման շրջանակներում:

#### **4.3. Գործունեության ազդեցությունը**

Ունի տվյալ մարմնի մեկ կառուցվածքային ստորաբաժանման գործունեության վրա ազդեցություն և իր լիազորությունների իրականացման արդյունքում այլ անձանց և մարմինների վրա ազդեցություն, և ազդեցությունը սահմանափակվում է համապետական մակարդակով որոշակի ոլորտով:

#### **4.4. Շփումները և ներկայացուցչությունը**

Շփվում և որպես ներկայացուցիչ հանդես է գալիս պետական մարմինների և կազմակերպությունների ներկայացուցիչների, ինչպես նաև օտարերկրյա պետությունների և միջազգային կազմակերպությունների ներկայացուցիչների հետ՝ ներկայացնելով համապատասխան կառուցվածքային ստորաբաժանումը և մարմինը:

#### **4.5. Խնդիրների բարդությունը և դրանց լուծումը**

Իր լիազորությունների շրջանակներում բացահայտում, վերլուծում և գնահատում է իր կողմից ղեկավարվող կառուցվածքային ստորաբաժանման խնդիրները և դրանց տալիս լուծումներ: